

## PREMIER EVELYN WEVER - CROES CONSEHO DI MINISTER DI REINO A TRATA STRATEGIA DI SIGURIDAD PA REINO COMPLETO



**POLIS A SCAPA  
PISCADO CU  
A HAYA BULTO  
DI COCAINA DI  
SU MORTO**

**BOOSHI WEVER TA RET'E  
PA LANTA CASO CONTRA DJE**

**OTMAR ODUBER  
TA MAS  
CULPABEL  
CU CULPABEL**

**MINISTER  
GLENBERT CROES A  
REUNI CU REPSOL  
PA INTERCAMBIA  
VISION RIBA TERENO  
ENERGETICO**



**Beneficio di impuesto atractivo** cu  
Guardian Group su **Plan Personal di  
Pensioen** pa Empresario.

**Click here!**



**Stop Searching for Content!**

Find and access content based on *what it is*, not where it is saved



**M-Files**

Intelligent Information Management

- System Neutral, Metadata Driven
- Cloud, On-Premises, or Hybrid
- Automated Workflows
- Seamless Integration with Microsoft Office and more

**VCC**  
International NV

Tel. 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)



## Polis a scapa piscado cu a haya bulto di cocaina di su morto

**T**a danki cu Polis a haya tip, a yega na Dennis Stamper. Un piscado cu a haya un bulto cu 20 paki di cocaina. Si Polis no a yega na dje, probablemente e doñonan di e cargamento lo a kita su bida. Esaki pasobra ya nan tabatin contacto cu ne y tabata sa ken e ta. Den Corte e piscado aki cu a scapa milagrosamente kier a kita tur cos for di su lomba, haciendo comosifuera cu e no a pensa mes cu e bulto lo tabatin droga sino te algun dia despues, ora cu el a lesa esaki den prensa. Corte a trata diabierna mainta caso di un piscado cu a haya 20 kilo di cocaina y un tiki mas el a perde su bisa. Dennis Stamper hunto cu su pareha a bay pisca na Boca Druif. En bes di pisca a haya bulto di 20 kilo. Ora cu a cuminsa bende droga e doño a hera likide.

Yicauris de la Rosa (pareha di Stamper), Yilario Schmidt y Pedro Vrolijk, tabata e otro acusadonan diabierna mainta den Corte.

Ministerio publico a acusa nan cu den e periodo di augustus pa october 2022, nan a transporta, entrega of tabatin den nan poder cierto cantidad di cocaina. Den e caso di Stamper y su pareha ta papia di 20 kilo, den caso di Schmidt ta 10 kilo y Vrolijk 5 kilo. Na inicio di augustus tabatin un cantidad grandi di bulto di cocaina a yega costa di Aruba. Autoridadnan a confisca un total di 19 bulto y den cada bulto tabatin 20 paki di mas o menos 1 kilo. A resulta cu aparentemente tabata falta por lo menos un bulto. Esun cu Stamper a pisca.

Tabata den e mesun luna ey cu Dennis Stamper (24) a bay pisca cu su pareha Yicauris de la Rosa (40) tras di e Anker grandi na entrada di Sero Colorado. Pa nan suerte of mala suerte a topa cu un bulto, cu aunke nan no sa kico e tabata contene, a lastra hinca den nan auto. No a habri e bulto aki mesora sino algun dia despues.

Segun Dennis a conta, ora cu a habri un di e pakinan berde, esaki tabata contene algo blanco. Pero prome cu esey, el a hura cu e no a pensa cu por tabata trata di droga. Pakico el a coy e bulto bay cu ne toch, e no por a bisa cu solamente “diablo a domina mi”. El a keda insisti cu e no a gana placa cu e droga y solamente e tabatin esaki den su poder. “Mi kier a djis deshaci di e droga,” el a bisa pero no por a splica di con e no a yama autoridadnan.

Den e dossier ta para cu a hinca droga den sakito y a “duna”: hende, entre otro un tal Vanessa. Sinembargo tin mensa-henan di whatsapp unda ta papia den codigo y esaki ta parce benta di algo cu lo ta ilegal. Pasobra no ta menciona kico e ta. Hecho ta e principal acusado ta bisa cu el a duna Schmidt 10 kilo pa e bende p’e. E cifranan no tabata cuadra mucho of tabata parce cu un a horta otro, entre nan e pareha di Stamper. E pareha ta bisa cu tabatin solamente 5 paki a keda niun hende a splica kico a pasa cu e resto. Vrolijk a declara cu De La Rosa a pidi’e busca bende pa 5 paki, pero e

prijs cu un hende kier a paga tabata 25 mil florin pa 5 kilo y el a hay’e esey demasiado poco, pasobra e kier a bay biba na Merca. Na final a haya un otro comprado interesa den 3 paki pa 20 mil florin. Pero si e benta por a tuma luga no por saca afo, pero hecho ta cu droga no a haya na e cas.

Tin diferente declaracion cu a habri un paki so cu a regala. Pero niun hende ta bisa kico a pasa cu tur e resto di e droga. E bendemento of oferta pa paki di un kilo na prijs di baca flaca a hala atencion. Esta di esnan cu a perde e droga aki. Riba e bulto tabatin un X marca y e doño cu a scucha cu a bende cu un tal Vanessa a cuminsa investiga.

Riba un anochi Dennis a bay subi su auto, ora cu cuatro homber a lastra sake y hinc’e den un otro vehiculo. Despues el a declara cu e hombernan aki cu nan cara tapa, a lora un paña na su cara. El a keda asina te ora cu nan a yega Vader Piet. Cu arma den man, a puntr’e kico a pasa cu e droga y unda e resto ta. Nan a sigur’e cu nan sa cu el a haya droga debi na e bentanan cu el a bin ta haciendo. E ordo tabata e siguiente dia nan mester haya e 10 kilo cu el a bisa nan ta na cas di un persona na Zeewijk. Nan a pone despues lomba pa nan y a bis’e cu e no por bira te ora cu e tende un tiro. Asina di un forma of otro el a logra yega su cas.

Dos di despues autoridadnan a scap’e di morto. A detene a base di un tip ricibi, segun Fiscal a splica den Corte. Tin PV traha cu ta bisa cu Dennis Stamper a haya un bulto di droga na costa y inclusive a duna su number di celular.

‘Tambe Fiscal a splica cu inicialmente a papia cu ne como testigo, pero ora cu el a cuminsa basha abou, a para e interrogacion y a inicia e proceso pa scuch’e como sospechoso.

Den e investigacion a bin haya sa cu e bulto cu el a haya, cual saco el a deshaci di dje banda di Barcadera, tin e mesun marca cu e 19 bultonan cu autoridadnan a confisca e luna ey tambe, esta e letter X. A base di e diferente declaracionnan, a haya sa e cantidad cu cada uno tabata involvi den dje. Pero loke sa tambe sigur ta cu un bulto tabata contene 20 paquete di 1 kilo, manera esnan confisca door di autoridadnan.

Mirando e rol cu cada un a hunga y e hecho cu tur, cu excepcion di Vrolijk, ta first offender a yega na e siguiente demanda. Den esaki tambe a tene cuenta cu e castigo cu Hof normalmente ta impone. Pa Stamper 42 luna di cual 12 luna ta condicional, kitando e tempo cu el a pasa cera caba y 2 año di prueba. E mesun castigo aki a pidi pa su expareha. Den e caso di Schmidt a pidi 30 luna di cual 10 luna ta condicional, kitando e tempo cu el a pasa cera caba y 2 año di prueba. Finalmente pa Vrolijk, a pidi 24 luna di cual 8 luna ta condicional, kita e tempo sinta caba, y 2 año di prueba.

Aki tres siman tin sentencia den e caso aki.

# Booshi Wever ta ret'e pa lanta caso contra dje

Otmar Oduber ta mas culpabel cu culpabel

Otmar Oduber ta haci comosifuera cu e veredicto di e ultimo caso cu Booshi Wever a lanta contra dje no tin su consecuencianan, ta loke e miembro di partido y ex-lider di UPP a indica den un conferencia di prensa diabierna dilanti di e dom na Parkietenbos.

E veredicto di hof aki tin un consecuencia cu pueblo tin cu paga belasting. No ta importa kico un politico haci. Ta di lamenta cu e caso specifico aki, full su file tur parlamentario cu tin awo, esunnan prome a haya ta bon pa haci algo cu esaki. Ni di oposicion, ni di esunnan cu ta sostene gobierno, pa kere cu ta algo cu nan por haci.

Wever ta kere den e sistema hudicial. Pero si e no ta di acuerdo cu ne cu e no tin caminda pa bay. Tur esunnan cu a etama caso na Ministerio Publico no a tuma paso pa persigui nan lubida. Pasobra hof lo bay bisa cu nan no tin belang derbij cual ta hopi peligroso, segun Wever, pa nos sistema unda cu tin un parlamento den su totalidad, drumi, cu ta keda acusa otro. Pero ora tin cos cu prueba.

Wever a indica di ta hari cu Otmar Oduber ta tilda di bisa cu Edison Briesen ta e culpabel, Oduber tambe den e caso aki,



no un, sino varios biaha, a comete infraccion.

P'esey segun Wever, Otmar Oduber no ta tapa su boca. Wever ta keda den e caso aki, e lo keda keto pasobra e no por bay ningun caminda. Tin un Ministerio Publico cu ta drumi y Otmar Oduber ta kere cu e ta inocente. Den caso di Wever, Otmar Oduber ta mas culpabel cu culpabel y e ta un corrupto.

Wever kier p'e lanta caso contra dje, pa mostra e huesnan kico e tin y pa pueblo sa ken ta culpabel si of no.

## Xander Bogaerts a dal prome homerun cu Padres

Xander Bogaerts diasabra a dal su prome homerun cu San Diego Padres, cu a vence Rockies di Colorado cu score di 8-4. E ex hungado di Boston Red Sox a bay di 3-1 cu dos careda empuha y un anota cu su homerun, cual a tuma lugar den e prome inning cu dos out. Por corda cu Bogaerts a firma cu Padres pa 11 aña y 280 miyon dollar, ganando 25.4 miyon dollar anualmente te cu 2033, ora cu e tin 40 aña.

“Mi tin hopi famia aki, algun amigo di Aruba cu tambe ta aki, pues e ta hopi agradabel hunga aki,” Bogaerts a bisa na MLB Network diabierna despues di su debut cu San Diego.

“Esaki ta un ciudad cu tin hamber pa un Serie Mundial. Nos a trece hopi hungado cu e gana ey. Nan tin experiencia di playoff, pues e lo ta great. E expectativanan semper ta pret. Yega stadion tur dia sabiendo cu bo ta spera pa gana ta dushi,” el a bisa.

E shortstop Arubiano di 30 aña a wordo invita pa All Star Game na 2022, lagando un record di .307/.377/.456 cu 15 homerun, 38 doblate, 73 careda empuha, a horta 8 base, y .833 di OPS. Den su cashi e tin 4 silver bat, dos renchi



di Serie Mundial y cuatro asistencia den clasico di mita di temporada.

Booshi Wever:

# Hof niun momento a bisa cu Otmar Oduber no ta culpabel

Candelario 'Booshi' Wever, ex-lider di UPP y ex-minister, a tene un conferencia di prensa diabierna ultimo dilanti di e landfill di Parkietenbos, p'asina duna un reaccion di e conferencia di prensa cu Otmar Oduber a tene siman pasa. Un di e puntonan cu el a reacciona riba dje ta e decision di Hof pa no acepta su peticion pa ordena OM cita Otmar Oduber.

Wever a comenta cu berdad ta cu e ta desapunta den e veredicto. Hopi hende no ta para keto n'e consecuencia cu e veredicto aki tin. Hues no a bisa cu e no ta culpabel. Wever a acudi na hof basa riba articulo 15 cu Ministerio Publico a bisa na prome instante cu e echonan castigabel ta wordo 'ingenomen' den Flamingo, cual no a pone nan aden. A bay hof e ora y a kere sigur cu hof lo bay duna rason, pasobra a kere cu como ciudadano, Wever tin e derecho y obligacion pa salvaguardia loke cu pueblo ta paga na belasting.

Esaki aparentemente hof no ta comparti. Den punto 5 di nan conclusion pa yega na e uitspraak aki cu nan no a bay inhoudelijk den e caso. Nan

no a bay wak si echo castigabel a wordo cometi of no.

Oduber a bisa cu e ta liber. Cu e ta inocente y ta santo. El a bisa cu e no ta laga tur hende dal e. Wever a indica cu e ta dal e dos palo. Otmar Oduber tin dos manera p'e bay contra Wever.

Si e ta kere cu e ta inocente cu Wever a duna un keho falta, por bay Ministerio Publico haci denuncia di keho falta. Esey t'e prome cos cu e por haci. Conociendo Otmar cu e ta un cobarde, e no bay haci esaki. Na Ministerio Publico no por bay draai keda sin persigui su amiguito Otmartje, pero si ta kere cu dilanti hues lo bay mustra tur e documentonan cu e tin, cuanto cos, abuso di poder, Otmar a haci.

Esaki a sosode di un principio, na momento cu a bin e respons di FDA, ningun momento a papia di un incinerator. DOW a pidi pa drecha un caso urgente di Bubaliplas. Esey tabata loke a pidi.

Di carambola Otmar a hinca incinerator, hinca sponsor di su carnaval, CTC, hinc'e aden, p'asina haci posibel pa cumpra e incinerator. DOW a pidi na varios ocasion pa no haci esaki pasobra no tin suficiente tempo. E companianan cu a haci e bidding, a pidi pa no hacie, pasobra no tin suficiente tempo pa haci e oferta. Pero Otmar a insisti pa haci esaki.

Ora cu no tabatin placa extra (1.7 milyon), diripiente Serlimar a bin aden. Ora cu Otmar a menciona cu ta uzando e mesun edificio di Boulwin & Lawson cu e incinerator aki, den bestek ta para cu mester traha un edificio propio. Aki por a mira cu Otmar mes ta admiti cu tin e incinerator den e edificio di Boulwin & Lawson. Aki atrobe por a ripara cu e placa paga ta hopi mas cu locual Johnson a ofrece e tempo ey. Esey t'e casonan cu Wever ta bisa cu Otmar a haci denuncia falso.

Por ultimo, si lesa e documentonan cu Wever tin, e ora Otmar a bisa cu e ta un cacho bravo pe morde. "Mi ta invit'e pa bin morde e cacho aki. Mi ta yama bo corrupto, Otmar. Despues cu lesa esakinan, ta invita tur hende pa bin lesa esaki. Bo ta un corrupto particularmente riba e caso aki. Si bo no lanta caso, bo ta admiti cu bo ta un corrupto. Mi ta kere aworaki bo tin e oportunidad pa lasa caso contra mi pa bay inhoudelijk riba e caso aki."

Ora cu hues bisa cu ta niet ontvankelijk, ta nifica cu Wever no tin motibo pakico haci esaki.

Esey no tin nada di haber si ta culpabel si of no. Pero ta crea e impresion den pueblo, cu e ta inocente. Otmar no ta inocente, Wever a bisa por ultimo.



**Results of the Treasury Bills issued  
by Government of Aruba in the amount of  
Afl. 45,000,000.00 for the period  
March 31, 2023 – June 30, 2023**

Issuance pursuant to the State Ordinance on Treasury Paper (AB 1987 no. 3), State Decree Treasury Paper (AB 1988 no. 6), and the State Decree no. 4 of March 7, 2023.

The Centrale Bank van Aruba hereby informs that the Treasury Bills issue of March 31, 2023 in the amount of Afl. 45,000,000.00 with a maturity of three (3) months has been fully subscribed. The average discount yield of the Treasury Bills issue of March 31, 2023 is 0.21 percent.

Aruba, April 3, 2023  
Centrale Bank van Aruba





## Mirrors Beauty Academy ta ofrece e siguiente servicionan

Laba  
Corta  
Blowdry  
Keratina  
Cold Wax

Tinja  
Highlights / Mechitas  
Ombre / Californiana  
Bayalage  
Peinado

Makeup  
Threading  
Barberia  
Manicure  
Pedicure

Y  
mucho  
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Candelario 'Booshi' Wever na Otmar Oduber

## 'Bin morde e cacho brabo aki'

Candelario 'Booshi' Wever, ex-lider di UPP y ex-minister, a tene un conferencia di prensa diabierna ultimo dilanti di e landfill di Parkietenbos, p'asina duna un reaccion di e conferencia di prensa cu Otmar Oduber a tene si-man pasa.

Mas bien el a reacciona riba e veredicto di hof di su 'aanklaag' cu el a duna pa motibo cu Ministerio Publico no tabata kier a persigui Otmar Oduber.

Ta interesante pa mira e huma cu a sali for di e incinerator cual segun Oduber, ta un state-of-the art. Wever no a papia nada di e aspecto dje parti tecnico. Sinembargo el a menciona cu e incinerator ey no ta e incinerator cu lo yuda cu e kimamento di sludge cadaver y documento como tambe sushi medico.

Wever a reacciona tambe riba e manera hopi baho cu insinuacion cu Otmar Oduber a bin cu ne. Tur hende conoce cu e ta haci esaki ora cu e sa cu e kier bay purba desvia e atencion tras di un smokescreen, ta bin cu cos cu no tin nada di haber cu e caso riba su mes.

E ta hammer cu Wever ta insisti riba e keho aki. Wever ta kere den e procedura pa compra di e incinerator aki y hopi cos corruptivo y abuso di poder a tuma luga.

Wever ta menciona cu e tin tur documento cu por prueba esaki. Sinembargo Oduber a haya ta bon pa bin cu un pensamiento hopi peculiar cu e echo cu Wever, como ciudadano tabatin e derecho y te hasta e deber como ex-politico como ex-parlamentario y como ex-minister

encarga cu medio ambiente e tempo ey, pa bis'e cosnan ora cu nan no ta bon.

Oduber ta bin insinua cu Wever lo ta namora na su persona. Mester tin un mente hopi mediocre pa por pensa asina. Loke cu Wever ta bisa cu e ta laga su pensamiento pa Oduber.

'Booshi' Wever tin un ruman cu a muri di AIDS y ta spera cu Oduber tambe por bisa esey.

Otro cos cu Oduber a haci ta mete cu su famia y a hinca su yerno den esaki. E yerno berdad a desmantela Bouldin & Lawson. Pero tin di bisa cu ta un yamada el a haci. E version riba gasto riba 300 mil florin segun rapport, mester bin un destaho, sea onderhands of via destaho publico. Via telefon e persona a haya trabao cual Wever no tin nada contra pa haya e trabao aki.

Oduber nos mester tilda hende cu ta haci malo door di no cumpli cu ne. E tampoco no a cumpli.

Pa loke ta su sobrino cu ta minister actualmente, Oduber por puntra e mesun ex-hues cual tabata ex-colega di e sobrino, cuanto punto cu nan tabatin den su pleidooi pa un kortgeding cu e tempo ey (2019/2020) a lanta. E mesun hende, casa di e coordinador principal di Oduber, ta meti p'asina ey duna Johnson un otro contract pa trek in e kortgeding aki.



### Kico esaki ta encera?

Entrante 1 di Januari 2023 e facilidad fiscal pa spaar pensioen bou di propio administracion NO ta posibel mas.

Awor ta importante pa bo **pensa riba un otro solucion di pensioen.**

Guardian Group Fatum ta ofrece un **producto cu benefician atractivo na directornan y accionista mayoritario.**

No perde tempo! **Tuma contacto cu nos** conseheronan di pensioen pa mas informacion personalisa via **528-3105** of **whatsapp 738-3100.**



Premier Evelyn Wever - Croes

# Conseho di Minister di Reino a trata strategia di siguridad pa reino completo



**N**os siguridad no ta algo cu ta bin di su mes. E ta rekeri atencion continuo pa percura cu nos ta sigur y cu nos ta sigui sigur. Siguridad den un pais ta hopi importante pasobra sin siguridad, nos no por biba liber. E strategia di siguridad pa Reino Hulandes ta encera locual cu lo haci durante e proximo 6 añanan (2023-2029) na bienestar di siguridad nacional.

Manera cu por tuma nota mundialmente tin cantidad di menasa contra di siguridad, den diferente area. Tin tension geo politico y menasa militar door di entre otro e guerra na Ukraina. Tin diferente sorto di actividad criminal, pero tambe e pandemia y clima y desasternan natural por conduci na desrupcion di sociedad. E strategia di siguridad menciona “Veiligheidsstrategie” ta duna direccion na loke Reino ta haci riba e tema di siguridad nacional.

Menasa contra siguridad no ta haci distincion di frontera, pues Reino Hulandes no ta immuun contra cambianan tumando lugha rond mundo. Siguridad nacional ta sinonimo cu siguridad internacional y vice versa. Pues e ta sumamente importante cu ta pone enfasis riba siguridad nacional y internacional den e strategia di pa Reino completo y pa conecta esaki na otro.

E strategia di siguridad ta combina e asina yama Geïntegreerde Buitenland - en Veiligheidsstrategie (2018) y e Nationale Veiligheid Strategie (2019) hunto y ta contene plan di accion y maneho riba tocante diferente tema.

Siguridad ta un tarea principal di gobierno, pero e ta rekeri ciudadanonan, companianan, organisacionnan y instancianan tambe, pa traha hunto y pa asina mitiga menasanan contra siguridad, cual ta locual cu e “Veiligheidsstrategie” di Reino ta contene tambe.



**Bin bishita nos y probecha!**  
Paña di bon calidad na bon prijs.

Adres: Avenida Milio J. Croes 47 local 3  
Telefon: 5646733 – 5653466  
E-mail: [info@carlymar.com](mailto:info@carlymar.com)



## Minister Glenbert Croes a reuni cu Repsol pa intercambia vision riba tereno energetico



**T**a un secreto publico con determina Minister Glenbert Croes ta pa por logra converti Aruba den e hub Energetico pa Caribe, un industria cu lo tin un spin off economico y laboral sin igual pa bienestar di nos Pais, nos Pueblo y di San Nicolas en special. Un industria cu lo aporta na bienestar di nos pueblo sin contaminacion algun, pa un medio ambiente limpi. Na mes momento lo ta creando cupo di trabou cu e industria nobo aki.

E zona di refineria cu ta uno grandi, lo wordo transforma den e zona di e industria Energia di Aruba consistiendo e.o. di e refineria mes pero operando riba energia limpi. E lo consisti di Aruba Hydrogen Valley cu su “refineria” conoci como electrolizer. Ademas di esaki e produccion di hidrogeno den Aruba Hydrogen Valley lo subasta Aruba cu e energia cu e mester. Tambe lo por almacena hidrogeno cu na su turno por wordo exporta pa otro paisnan den region.

Manera ta conoci EAGLE LNG tambe lo haya su zona den e zona Energetico di Aruba, un proyecto cu ta garantiza reduccion di awa y coriente riba un fuente di energia mucho mas limpi cu HFO – Heavy Fuel Oil. Ademas cu Aruba mester di gas pa e planta di produccion di hidrogeno. Y asina tin mas proyecto cu lo wordo ubica riba e zona di refineria cu e mandatario na su debido tempo lo anuncia oficialmente.

Den e cuadro aki Minister Glenbert Croes a haci un bishita di cortesia na e compania estatal di petroleo di Spaña cu ta Repsol unda

cu a intercambia e maneho, e vision, informacion y conseho riba e plannan ambicioso riba energia sostenibel di e mandatario pa cu Aruba.

E titular di Energia a entrega e plan energetico di Aruba pa cu Aruba Hydrogen Valley y energia sostenibel, un industria nobo pa e area unda e refineria ta ubica actualmente. Sr. Tomás García Blanco, director general di Exploracion y produccion a expresa di ta impresiona cu un pais asina chikito manera Aruba ya tin su roadmap energetico defini pa futuro y esey ta hopi bon y a felicita Minister y e delegacion pa cu esaki.

Repsol ta conta cu mas di 23 mil trahado y ta presente na mas di 14 diferente pais manera Merca, Canada, Brazil, Bolivia, Colombia, Peru, Venezuela, Trinidad and Tobago, Norwega, Union Britanico, Algeria, Libya y Indonesia.

Exploracion di petroleo y gas ta nan specialidad cual a comberti Repsol den un lider creciente den exploracion na un nivel mundial.

Durante e bishita di e mandatario, Glenbert Croes a ricibi un presentacion riba e drilling y exploracion cu a tuma luga na Aruba, y na final Minister a expresa su gratitud na Repsol pa a kere den Aruba y pa e trabou cu nan a haci na Aruba cu por cierto tabata un inversion di 200 milyon dollar.



**ENJOY A DIFFERENT KIND OF  
SUNDAY SERVICE THIS EASTER.**

Enjoy Easter with an attitude at L.G. Smith's Steak & Chop House. Our sinfully good Easter Brunch will boast a live DJ, fabulous cuisine and plenty of bubbly mixed with fresh OJ. It's a little less holy, a little more hedonistic and a whole lot of fun.

**Sunday, April 9<sup>th</sup>**

**11am - 2:30pm**

**\$79**

plus 15%  
service charge.

Includes all-you-can-eat a la carte brunch,  
welcome drink, unlimited mimosas & more.



For more information or to make a reservation  
please call 523-6115 or book your table at [www.lgsmiths.com](http://www.lgsmiths.com)



# Celebracion

CONCIERTO BAILABEL DI DECADA 80 Y 90


E BOS DI LAS CHICAS DEL CAN  
**MIRIAM CRUZ**  
Y SU ORKESTA  
TSUNAMI | MUSICAL TIME  
DJ VIBES | DR ELI

7:00PM  
2:00AM

... APRIL  
**30** ...  
2023

BALASHI  
ENTERTAINMENT  
ARENA

TICKETS AVAILABLE AT  
HAMAKA SIDE WALK | VICE VERSA | GALLO ROJO





# Homber sin bida haya den cas


**D**iasabra den oranan di mainta polis a bay un adres den Rooiweg, pa un persona cu no ta reacciona. Na yegada polisnan a bin topa cu un hende homber cu no tawata duna señal di bida. A notifica esnan concerni, manera recherche y tambe Slachtofferhulp. Segun nos a compronde cu lo ta trata di morto natural. Lo ta trata di un homber di 62 aña.



# Homber lo a bira malo y sali cay for di auto



**D**iasabra atardi algun persona a tuma nota di un auto cu lo a para pa zuid di Divi Phoenix, y un homber lo a bira malo y/of tawata actua straño. E homber lo a baha y cay for di e auto. Na yegada di polisnan nan a tuma nota di e homber, cu a cana direccion lama patras di e matanan. Eynan nan a bin haya sa cu e persona lo ta sufri di epilepsia y lo a bira malo tras di stuur. Mesora a solicita pa un ambulance pa atende cu ne.

Red Cross  Aruba


# A STARRY NIGHT






**Passions on the Beach Aruba**

**Entertainment:**  
**Robert Jeandor y**  
**su Solo Banda Show**

**Date:** June 24, 2023  
**Time:** 7.30pm-10.30pm  
**Place:** Passions on the Beach Aruba  
**Price:** AWG. 350,= per couple  
**Dresscode:** Beach Elegance

**Tickets available Now:**  
 Amsterdam Manor Beach Resort front desk  
 Pedro Gallegostraat 14, Dakota  
[info@redcrossaruba.com](mailto:info@redcrossaruba.com)




L'ORÉAL PARIS  JOHNNIE WALKER DIABLO    



Un rato prome polis a kita e yabi auto for di dje

# Chauffeur burachi a bolter cu su auto



**D**iabierna den careda di 11'or di anochi habitantenan di Rooi Koochi a tende un zonido basta duro y a bin topa cu un pickup gebolter memey di e caminda den e bocht na Rooi Koochi, mesora nan a avisa polis.

Polis a yega na e sitio y a bin topa cu un pickup Nissan gebolter, e chauffeur a sali for di e auto y tabata musta basta bou influencia. Nan a reconoce e chauffeur aki, como e persona cu un rato prome nan a top'e tras di stuur di e pickup y cu nan a dicidi di kita e yabi di auto for di dje y lage na pia pa motibo cu e tabata bou influencia caba. Aparentemente e homber aki lo a dicidi di cana bay su cas na Cura Cabay, pasa man pa un yabi di spare y a bay bek, start e pickup pa supuestamente core bay su cas, pero na caminda pa cas e la bolter.

E polisnan a dicidi di haci un test di alcohol cu ne, e la supla y a resulta cu e la pasa e limite bay cu ta permiti pa por ta tras di stuur. Mirando su condicion, e polisnan na e sitio a dicidi di detene y transport'e pa warda di polis na San Nicolas.



**PASEO HERENCIA**

*THE BEST ENTERTAINMENT  
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**



## Eric Ras (Curpa): Intencion di World Economic Forum ta pa kita libertad y privacidad di e pueblo

**W**orld Economic Forum no ta para keto. Na januari 2023 WEF a reuni na Davos Suisa pa pusha e agenda 2030. Nos gobierno a firma e tratado pa bira e prome pais den Caribe. Aruba ta e modelo den Caribe. Hopi importante pa pueblo di Aruba ta consciente cu e modelo aki ta nada otro cu nos lo no tin libertad ni privacidad mas. Nos lo perde tur nos derechonan y ta cay bao di un regimen comunista.

Tanto Prome Minister como vice prome minister a biaha pa New York pa atende e reunion di Nacionnan Uni pa locual ta trata number 6 di desaroyo sostenibel cu ta papia di awa limpi y saneamento. Gobierno ta atende yen di reunion den exterior pero ora mester pone man na obra e ta laga hopi di desea. Un ehempel di esaki ta e planta di purificacion na Bubaliplas unda gobi-erno ta papia hopi y haci nada.

Nos prome minister a caba di bin for di New York y ya e ta prepara pa biaha pa Hulanda. Despues di a firma pa coho riba e diabierna scur di 13 di November 2020 awor ta bay pa firma e Onderlinge Regeling. Firma ta un cos y papia e berdad ta otro. Nos prome minister tabata tira culpa riba Hulanda pa a kita e 12.6% for di e ambtenaarnan y 60 miyon for di AZV. Tweede kamer tabata kier contesta riba e kitamento di placa for di ambtenaarnan y e 60 miyon for di AZV. E contesta di Van Huffelen na Tweede Kamer tabata ta cu no ta Hulanda a forsa gobierno di Aruba sino ta gobierno di Aruba a impone e medidanan aki riba lomba di pueblo. Gobierno kier tira santo den wowo di pueblo y haci como si fuera cu no tin coho mas pero e land-spakket si ta drenta na vigor. E prestatiemanagement ta un di nan. E open border policy ta un otro mas y p'esey nos tin casi 100 marechaussee.

Nos por a lesa cu minister di turismo y salud publico a anuncia cu no mester di paspoort mas sino ta papia di credencialnan digital. Esaki ta un otro proyecto di WEF cu ta cay bao di punto 9 di e metanan di desaroyo sostenibel. Esaki ta

e paspoort digital cu tin tur informacion di e persona. E paspoort aki lo yuda e gobierno controla cada persona cu biaha y si e persona ta contra di gobierno ta facil pa gobierno blokia e persona. Lo bo no tin acceso na bo cuenta bancario mas. Danki Dios tin paisnan rond mundo a lanta para. E proximo stap ta e great reset.

Nos ta na rand di e crash di e economia mundial. E dollar ta perdiendo su balor y no ta e moneda importante mas pa negocia. Cu caida di economia mundial hopi hende lo perde nan trabao y tambe lo no por saca nan placa for di banco y e consecuencia ta cu esnan cu tin placa na banco lo perde nan placa. Esaki no ta nada nobo paso el a pasa caba. Den Silicon Valley Bank hopi hende a perde nan placa caba. Stock Market tambe lo crash. E caida di economia aki lo bay ta pio cu 2008 paso WEF kier pusha pa introduci e moneda digital di Central Bank Digital Currency pa asina tin mas control riba cada persona. Paisnan manera Brasil, Russia, India, China y South Africa tin nan banco cu ta riba e standard di oro y esaki ta haci cu WEF lo no tin control riba henter mundo.

Pueblo di Aruba nos gobierno hunto cu Hulanda ta wordo goberna pa WEF. E siman nos dilanti gobierno Hulandes kier introduci e ley di stikstof pa asina kita e terenonan for di e agricultornan. Nos por spera e caida di e gobierno Hulandes. Nos gobierno mester bay cas pa nos por salba nos isla di bira comunista. Nos parlamentario cu ta bisa di ta Cristian ta contribui pa caba cu e famia crea pa Dios y aporta pa e pueblo Cristian wordo sacrifica. E metanan di desaroyo sostenibel ta pa baha poblacion mundial, kita bo privacidad y libertad. E parlamentarionan cu ta bisa di ta Cristian ta sostene e plan diabolico di gobierno pa kita nos libertad. Partido Curpa ta e unico partido cu ta sali na defensa di e famia y di pueblo di Aruba. Nos tin FE den Dios cu Dios lo destrui e plan di e gobierno diabolico aki. E dianan di e gobierno comunista aki ta conta.

PAN BATI, SCABECHI, SEAFOOD SALAD, SULZ, SANGER YENA, CONCOMBER OF PAPAYA STOBA, SANCOCHO, AWA DI PLAYA, QUESILLO, PANBOYO, BOLO PRETO AND MUCH MORE!

# AUTHENTIC ARUBAN & CARIBBEAN BUFFET

**Elements**  
RESTAURANT

LOCATED AT BUCUTI  
& TARA BEACH RESORT  
RESERVATIONS REQUIRED

elementsaruba.com | +297 592 5868  
ADULTS ONLY | CASHLESS | NO SMOKING | NO GROUPS

**\$24.50**  
SERVICE CHARGE  
INCLUDED



Eric Ras (Curpa):

## Aruba ta core firma e onderlinge regeling awor pa si bin un caida economico mundial por keda haya ayudo Hulandes?

**D**ia 11 di maart 2023 Silicon Valley Bank di Merca a crash y otro 3 banco mas a sigui. Tin bisa cu den 173 pais rond mundo banconan a faya pa cumpli cu nan obligacion. E situacion mundial no a cambia. Dia pa dia e petrodollar su balor ta cay. Paisnan manera Brasil, Russia, India, China y South Africa a funda e banco BRICS cu ta cumpli cu e standard di oro. Paisnan ta bandonando e dollar y ta afilia na BRICS.

Zimbabwe ta un pais Africano cu su dollar tabata tin balor. Despues di a los for di e standard di oro a cuminsa print placa pa loco cu a resulta den un inflacion pa despues e placa a perde su balor. Mesun cos ta pasando cu e dollar Americano. Biyones di dollar Americano a wordo manda pa Ukraina y mesun cos Union Europeo a hasi. Mundialmente situacion ta birando pio. Tin bisa cu economia mundial lo desacelera cu 1.7% mundialmente den 2023.

Aki na Aruba nos por sinti cu costo di bida a aumenta considerablemente. Turismo ta bayendo bon pero lastimamente cu gobierno no a bin cu ningun proyecto pa yuda carga nos economia. Aruba su situacion financiero ta hopi fragil. Locual cu ta wordo recomenda ta pa spaar den oro y plata paso cu caida di economia mundial nos florin lo devalua mescos cu e dollar.

Nos por a lesa cu minister di Economia a duna Elmar NV un ultimatum te cu dia 31 di maart pa 2023 pa 12'or di merdia

pa duna un contesta riba bahamento di tarifa di electricidad. E minister di economia a laga sa cu e prijs di electricidad ta un peso riba lomba di pueblo y ta sigui relata cu e concessievoorwaarden (condicion di concesión) a caduca for di dia 1 di februari 2023 y no ta mira cu Elmar NV a baha e prijs riba electricidad. E minister a canta manera un guy chogogo pa despues haya un carta for di e director di Elmar NV cu e no por reduci e tarifa di electricidad paso lo pone Elmar NV den problema financiero.

Nos por conclui cu e minister di economia y e minister di energia den e gobierno aki no ta riba mesun linea. E minister di economia ta papia di tin un bon relacion cu e minister cu ta encarga cu WEB NV. pero parce cu realidad ta otro. E carta di e director di Elmar NV ta laga e minister di economia muestra malo y esaki ta demostra cu no tin unidad den gobierno. E minister di economia tabata muestra hopi rabia nos ta kere cu el a eherce su poder den coalicion y a logra. Partido MEP a dobla y nos por a lesa cu lo bay evalua pa baha prijs di electricidad. AHATA a pidi pa habri buki y muestra e cuentanan anual di 2022. Gobierno a sinti e rosea cayente? Kiko tin di sconde?????

Nos ta kere cu e minister di economia a bay tras di e palabra di e minister di energia pero el a dale e un dax den wowo. Su colega minister mientras tanto ta di biahe rond di mundo. E minister aki a bay Merca despues ela bay Ecuador pa asina logra un miho deal pa e heavy fuel oil pero sin ningun resultado te dia di awe. Despues e minister aki ta bay Hulanda y ta bisa cu Gobierno di Aruba ta bay firma un MoU cu Hydrogen Valley di Hulanda.

Awor e e minister di energia ta na Spaña. A core cu directornan di WEB NV pa logra firma cu Eagle LNG cu supuestamente lo ta un tremendo proyecto pa Aruba. Pueblo di Aruba ta cansa di e minister di energia aki cu ta papia bunita y hopi pero sin haci nada. Hopi scuma pero nada di chuculati.

Mientras pueblo ta sufri gobierno ta biaha y ta fiesta. Tur siman tin biahamento. Si nos mira rond di nos por mira cu nos isla ta bayendo atras bao di e gobierno comunista aki. Ta papia hopi sin haci nada.

Nos ta kere di berdad cu gobierno comunista aki ta cumpliendo cu e lema di WEF esta pueblo lo no tin nada y pueblo lo ta feliz. Pueblo di Aruba laga nos sigui lucha y cu poder di Dios nos lo libra di e gobierno mas malo den historia di Aruba. E por tarda pero nan dia lo yega.



**Dialuna April 03: Bami**  
**Diamars April 04: Chicken Gordon Blue**  
**Diaranzon April 05: Arros con pollo**  
**Diahuebs April 06: Balchi Piska**  
**Diabierna April 07: Nos ta sera !**  
**Diasabra April 08: Nos ta habri normal**  
**Diadomingo April 09: Nos ta sera!**

**LUNCH ANYONE?**

Open Mo, Wed, Thu, Fri & Sat  
 8.00 AM to 3.00 PM  
 Sundays 9 AM to 2.00 PM  
 Closed on Tuesdays

(297) 731-1224 Coral Plaza Tataratata 15



# Anuncio weganan escolar 2023 WE Aruba

Prome Minister ta felicita Minister Endy Croes, IBISA, stakeholders y tur scol cu ta participa



**D**iabierna 31 di maart a tuma luga e conferencia di prensa na unda cu a anuncia Weganan Escolar (WE) Aruba 2023 cu ta tuma luga di 26 di mei pa 10 di juni proximo. WE Aruba a wordo lansa pa prome biaha na 2022 cu e vision y determinacion di Minister di Deporte Endy Croes y e ekipo dinamico su tras. Despues di e gran exito di WE Aruba 2022, na unda cu durante henter e trayectoria di e weganan, muchanan, maestronan y mayornan tur tawata hopi anima y entusiasmo, awo a anuncia cu lo tin WE Aruba 2023.

Ya tur cos ta cla pa e weganan escolar cuminsa. E seleccionnan ya a tuma luga y e finalnan lo cuminsa dia 26 di mei proximo y esaki, Prome Minister a enfatisa, ta algo cu ta trece hopi alegria di mira cu nos muchanan tin prioridad, deporte tin prioridad. E aña aki, 40 scol a clasifica y ta cla pa duna nan maximo pa e exito di e weganan escolar y e entusiasmo y alegria cu esaki lo trece cu ne. Pa e weganan escolar tur ekipo lo haya uniform.

Prome Minister Evelyn Wever-Croes tawata presente na e ocasion y a felicita Minister Endy Croes y su ekipo cu e anuncio di e di dos WE Aruba.

“Mi ta gradici Minister Endy Croes y e ekipo cu a traha duro pa haci

esaki posibel. Mi ta gradici IBISA, stakeholders y tur e scolnan cu ta participa y e mayornan cu ta stimula nan yiunan. Cada mucha cu nos por stimula y entusiasmo pa cada deporte y keda den deporte, ta un mucha menos riba caya. Ohala, manera tur deporte ta uni tur hende, e weganan escolar 2023 tambe trece mas union”, Prome Minister a remarca.

Prome Minister ta haci invitacion pa Aruba henter, mayornan muy special, pa apoya nos muchanan henter e siman aki 26 di mei pa 10 di juni durante e gran campeonato di Weganan Escolar. Prome Minister ta desea tur scol, tur atleta hoben, tur docente y tur mayor, hopi exito den e WE Aruba 2023.

**APPAREL**

**BOAT ACCESSORIES**

**TODOMAR**

f TodomarAruba @TodomarAruba TodomarAruba +297 585 0555

**FISHING TACKLE**

**FIBERGLASS PRODUCTS**



# EPE educando y fortificando conocimiento pa un desaroyo laboral y progreso personal

Recientemente Enseñansa pa Empleo -EPE- a entrega certificado na e cursistanan cu a logra pasa e curso ofreci di Basiskennis Boekhouden y di Ingles pa Principiante, cu exito.

Enseñansa pa Empleo a bin ta recapacita hopi hende desde 1989 tempo cu e proyecto aki di Gobierno di Aruba a inicia cu e fin di yuda nos hendenan cu a perde trabou den tempo di cierre di LAGO, pa por eherce un otro funcion y haya un otro trabou.

Desde e tempo ey, hopi hende cu tabatin e interes di por sigui crece den e mercado laboral, a bin ta haci uzo di servicionan di EPE mediante e diferente cursonan cu EPE ta duna. Nos sa di casonan exitoso unda cu personanan cu a cuminsa den limpieza y mantenimiento, a logra bira telefonista y cu mas recapacitacion di EPE, awor tin años trahando como assistant administrativo. E secreto ta pa keda studia pa amplia bo conocimiento pa por sigui crece laboralmente.

EPE ta un instancia di Gobierno reconoci pa su conocimiento y integridad di cursonan practico ofreci na pueblo di Aruba, na un costo social alcansabel pa mas hopi hende posibel.

Recientemente e cursistanan cu a pasa e curso di Basiskennis Boekhouden -BKB- nivel 1 y 2 cu exito, a ricibi un bunita ceremonia di e instructor Sra. Shareen de Cuba cu pa añanan caba ta e instructor di BKB 1 & 2. Awo, riba peticion popular, instructor de Cuba lo ta ofreciendo e proximo nivel cu ta BKB nivel 3.

## Kico ta Basiskennis Boekhouden:

E ta un curso cu ta siña bo con pa maneha administracion di un empresa, duna bo mas conocimiento di accounting como tambe di maneho financiero diario.

Instructor de Cuba conhuntamente cu EPE a haci un yamada na tur e alumno di BKB 2 ultimo y tambe esunnan cu den pasado a pasa e curso aki cu exito, pa sigui amplia su conocimiento cu BKB 3 pa propio reconocimiento na e empresa unda ta labora.

Otro grupo cu a pasa curso cu exito, tabata pa Ingles pa Principiante. E instructor ta Sra. Eslyne Filiciana kende por cierto tambe ta encarga pa duna e hobennan di Formacion Social -SVT- curso di Ingles. Den e mercado laboral di Aruba ta hopi importante pa tin conocimiento di e idioma aki



tambe. Otro idioma cu EPE ta ofrece ta Hulandes y nos propio Papiamentu.

Sra. Filiciana pa añanan largo ta encarga cu e curso di Ingles na EPE y e biaha aki tambe cu hopi entusiasmo y orguyo a entrega na e cursistanan e certificado cu nan a studia y traha duro p'e. E instructor a transmiti su conseho na tur, pa continua semper cu capacitacion personal y a invita nan pa inscribi pa e proximo nivel di Ingles.

Minister Glenbert Croes ta felicita tur cursista cu nan logro y tambe e team completo di EPE pa nan dedicacion pa recapacitacion di nos hendenan cu ta desea un miho porvenir laboral pa nan mes.

Cursonan nobo ta cuminsa dia 17 di April proximo. Inscripcion ta habri via website: [www.epearuba.com](http://www.epearuba.com) y tambe por pasa na oficina ubica na Engelandstraat 33, na unda ta duna asistencia personal cu registracion.



Minister Dangui Oduber:

## Un siman importante y cu logronan grandi tras di lomba

**M**inister di Turismo y Salud Publico sr. Dangui Oduber ta recapitula riba un siman hopi importante y cu logronan grandi pa pais Aruba.

### JAXPORT

E mandatario tabata tin un biahe di trabou pa Jacksonville Florida hopi importante, caminda a firma un MOU entre gobierno di Aruba, Jaxport, Eagle LNG y e estado di Florida. Minister Oduber a duna di conoce cu e MOU aki a keda firma despues di 3 aña y mei cu e negociacionnan ta andando.

Minister Oduber a sigui bisa cu e MOU aki ta uno hopi importante pa e oportunidadnan cu Jacksonville ta brinda pa pais Aruba. Awor lo bay sigui traha abase di e MOU aki pa asina logra yega na un "letter of intent" cu Jaxport den futuro cercano.

Segun Minister Oduber e biaha di trabou tabata uno hopi exitoso caminda a tene un reunion di mesa rondo. Esaki tabata cu entre otro ehecutivonan di Jaxport, ehecutivonan di estado di Florida y tambe cu e comunidad di comercio. Ya caba a cuminsa traha riba un mision di intercambio entre Florida y Aruba.

### ARUBA HAPPY ONE PASS

E siman aki tambe a lansa un otro proyecto di Ministerio di Turismo y Salud Publico, esta e Aruba Happy One Pass. Esaki ta un proyecto di "Seamless Travel", pues biaha sin preocupacion haciendo uzo di credencialnan digital. Esaki a wordo realiza conhuntamente cu e partnernan internacional cu ta SITA y Indicio. Tambe en conjunto cu nos partnernan local cu ta Aruba Airport Authority, Aruba Tourism Authority, Ministerio di Transporte, Ministerio di Husticia y departamento di Imigracion.



E proyecto aki ta bay facilita e biahero/turista Americano masha hopi mes. E ta bay yuda na rebaha e tempo di e trayectoria den nos aeropuerto di momento cu e baha di avion te ora cu e sali di e aeropuerto haciendo uzo di innovacion y tecnologia.

E mandatario a duna di conoce cu Aruba un biaha mas ta demostra di ta lider den innovacion mundialmente. Aruba ta e prome pais na mundo cu ta ofrece e servicio aki.

Segun Minister Dangui Oduber esaki sigur ta yena su persona cu hopi orguyo y satisfaccion. Aruba un pais asina chikito y liderando mundo den innovacion.





## Fortaleza Pa Famia

# Falta di respet y palabra malo ta fruta di scuridad

**P**apiamento di palabra malo ta kita tur bunitesa y decencia for di un hende, y manera un mal holo ta sali, cual ta kibra contacto, y ta muestra cu e persona ey ta den scuridad ainda y mester di liberacion. Awendia tin hopi hende ta kere cu palabra malo ta un defensa of un forma di identificacion, pa asina otronan por reconoce cu esaki no ta un persona cu bo por convence facil.

Pero a keda proba cu mas decente un persona por ta, mas leu e ta yega den bida, y mas aprecia e ta tur caminda cu e yega, pasobra decencia ta cana hunto cu humildad, y humildad ta bini di Dios.

Ami ta bisa boso, cu hende lo duna cuenta di cada palabra bano, cu nan papia. Pasobra segun bo palabranan lo bo wordo hustifica, y segun bo palabranan lo bo wordo condena (Mateo 12:36+37).

Un hende malbado ta cay den trampa door di transgrecion di su lipnan, ma e husto lo scapa for di tribulacion, (Proverbionan 12:13).

Palabra malo y indecencia, no ta parti di educacion, como hende grandi madura, cu conoce bida, ta imposibel pa mayornan mes ta siña nan yiunan papia palabra malo, pasobra esey ta algo cu ta cera porta pa un mucha y ta hibe na pica cual ta trece condenacion.

Kita for di bo, un boca engañoso, y tene lipnan perverso leu for di bo (Proverbionan 4:24).

Ma no laga inmoralidad, of cualkier sorto di impuresa of golosidad ni wordo menta mes memey di boso, manera ta pas pa e Santonan, ni susedad, ni papiamento di cos di loco, ni chansanan vulgar, cu no ta pas, ma mas bien duna gradicimento. Pasobra esaki boso sa cu siguridad, cu ningun fornicado, persona impuro, of hende cudicioso, cu ta adorado di dios falso, no tin herencia den e reino di Cristo y Dios.

No laga ningun hende gaña boso cu palabra bano, pasobra ta pa motibo di e cosnan aki, e furia di Dios ta bini riba e yiunan di desobediencia. P'esey no sea participante hunto cu nan (Efesionan 5:3-7),

Palabra malo ta un coyar di impuresa, y indecencia, cu ta baha balor di hende, y maske tin hende ta papia palabra malo den otro idioma cu no ta papiamento, dilanti di Dios, y hende decente toch e ta keda vulgaridad, y ta demostra un falta grandi di educacion. Palabra malo ta atrae mal spirito, pasobra e ta bini di scuridad, cu tur influencia di maldad, y como hende nos mester haci oracion y pidi Dios pa kita e cos malo aki for di nos bida.

Ma awor boso mester pone tur esakinan un banda rabia: Rabia, furia, malisia, calumnia, y palabra sushi for di boso boca (Colosensenan 3:8).

E bon hende, for di e bon tesoro di su curason, ta saca loke ta bon, y e mal hende, for di mal e tesoro, ta saca loke ta malo, pasobra for di abundancia di curason boca ta papia (Lucas 6:45).

Perversidad y boca sushi, bistimento indecente y baile vulgar, ta cosnan cu ta sconde profundo den curason di hende, ora un hende burachi ta papia palabra malo y haci cosnan perverso, esey ta cosnan cu ta scondi den su curason, pero hunto cu alcohol e ta bira un mescla di maldad cu ta haya forsa y wordo exponi.

Pasobra nos tur mester aparece dilanti di e tribunal di Cristo, pa cada un wordo recompensa, pa su hechonan den e curpa, segun loke e a haci, sea bon of malo (2 Corintionan 5:10).

Ban pidi nos Señor Cristo Hesus un liberacion completo di impuresa, y laga Cristo goberna nos bida.

*Sinceramente, Pastor Marcel Balootje*



# Detencion y confiscacion relaciona cu ladronicia di scooter



**WILLEMSTAD** - Diabierna 31 di maart 2023 alrededor di 18.18'or di atardi, Central di polis a ricibi un informacion di un ciudadano cu na altura di un Minimarket den area di Tera Cora tin un scooter cu ta procedente di ladronicia for di un compania.

Mesora a dirigi un unidad na e sitio. For di e investigacion preliminar cu polis a haci na e sitio a resulta cu e scooter ta procedente di ladronicia cu a tuma luga algun dia pasa.

Na e sitio a haci confiscacion di e scooter y detencion di e homber sospechoso J.V.A., nace na Corsou di 25 aña di edad, pa e caso di ladronicia ariba menciona.

A presenta e sospechoso dilanti un fiscal auxiliar cu despues di interrogacion a ordena su encarcelamento pendiente di mas investigacion.



**Aurora**  
Royal Pray  
Funeral Home & Crematory

Virgen Santisima di Guadalupe muestra nos cu bo ta nos Mama, defende nos den momento di tentashon consola nos tristesa nan y yuda nos den tur nos necesidadnan.  
Cu dolor na nos curason, nos ta participa fayecimento di nos ser stima:

**Sra. vda. Rosalinda F. Bernabela-Figaroa**

Cariñosamente yama "Linda"  
\*04-09-1951 - †29-03-2023

Acto di despedida lo wordo anuncia despues



**Aurora**  
Royal Pray  
Funeral Home & Crematory

Caminda Dios ta, ey mi ke biba.  
Señor ta mi lus y salvacion,  
di ken lo mi tin miedo?  
Señor ta fortaleza di mi bida  
pa ken lo mi tembla?  
Salmo 27

Cu dolor na nos curason, nos ta participa fayecimento di nos ser stima:

**Sra. vda. Iginia R. van der Weide-de Windt**

Mihor conoci como "Ina"  
\*27-07-1936 - †31-03-2023

Acto di despedida lo tuma lugar na Aurora Funeral Home diaranson 5 di April 2023 di 2'or pa 4'or di atardi.



**Aurora**  
Royal Pray  
Funeral Home & Crematory

"Señor ta mi wardador, mi no tin falta di nada.  
Den kunuku di yerba berde E ta ponemi sosega.  
E ta hibami na awa frankil, pa mi bolbe haña forsa"

Cu inmenso tristesa y dolor na nos curason, pero conforme cu boluntad di Dios, nos ta anuncia fayecimento inespera di mi esposo, tata y ruman stima:

**Eric Anthony van der Biezen**

\* 28-7-1962 - † 28-3-2023

Na number di su:

**Esposa stima:** Sica van der Biezen-Simileer

**Yiunan stima:** Eldrick "Ekkie" van der Biezen y

Leeanne Kelly

Erishka "Ishka" van der Biezen y André Koolman

**Mayornan:** †Eugenio "Efi" y †Estelita "Chichi" van der Biezen-Donata

**Suegro y suegra:** †Pablo "Shon pa" y †Francisca "Kita" Simileer-Ruiz

**Rumannan:**

Albino y Helena van der Biezen- Semeleer

Diana van der Biezen

Thomas Van der Biezen

Elmira y †Hans Schlikker-van der Biezen

Olivia van der Biezen

Vilma y Rudy Villarreal-van der Biezen

Haime y Cecilia van der Biezen-Semeleer

Silvia y †Daniel van Heyningen-van der Biezen

Eugene y Violeta van der Biezen-Kock

**Sobrino(a)nan y nan respectivo famia:**

Milouschka, Anouska, Bianca, Aimee, Jairo, Sibelly, Akili, Eugene, Aaron, Melania, Aurelio, Melissa, Arnold, Sorayda, Raymund, Vianney, Randy, Ginho, Xavier, Ruginio, Anita, Omaira, Francis y Tanisha.

**Sua y cuñanan:** Bibi y Toos Simileer-Zondag

Maria y †Nicolaas Everon-Simileer

†Nora Simileer

Jani y Julieta Simileer-Dania

Edwin y Maria Simileer-Orman

Frido y Maria Simileer-Jacobs

Thomas y Elcira Simileer-Hernandez Rodriguez

Rufino Simileer

Pablo y Harna Simileer-Doedens

Jovito Simileer

Hose Simileer

Gemma y Frans Figaroa-Simileer

Rudi y Blanca Simileer-Espitia

Omo y tanta, primo y primanan, lhanan, amigo-y conocirnan, bisiñanan, coleganan di S.V.O.A/ Colegio Arubano, miembro nan di Thrill Walkers y Get fit.

**Famia:** van der Biezen, Simileer, Donata, Ruiz, Semeleer, Schlikker, van Heyningen, Villarreal, Kock, Rooze, Laat y demas famia.

Ta invita pa asisti na e anochi di condolencia cual lo tuma lugar **dialuna 3 di april 2023**, di 7or pm pa 9or pm na Aurora Funeral Home.

Acto di entierro lo tuma lugar **diamars 4 di april 2023**, di 2or pm pa 4or pm na Parokia Santa Filomena, despues lo sali pa Santana catolico Pastoor Kraanwinkel na Paradera.

Na lugar di flor of krans un donacion pa "Aruba Heart Foundation" lo ta altamente aprecia. Lo tin un box disponibel pa e bunita gesto aki. Nos ta lamenta cu despues di entierro nos no por ricibi bishita di condolencia na cas.





# AWEMainta

## Scan nos QR code y bira abonado di AWEMainta

Completamente GRATIS

1: Usando bo camera di telefon,  
scan nos QR code na banda.

2. Bay riba "Show Options",  
"Open in browser".

3. Yena e formulario.

**Haya AWEMainta  
tur dia den bo inbox!**



[www.awemainta.com](http://www.awemainta.com)



[www.facebook.com/AWEMainta](https://www.facebook.com/AWEMainta)



5880022



[info@awemainta.com](mailto:info@awemainta.com)  
[noticia@awemainta.com](mailto:noticia@awemainta.com)  
[aviso@awemainta.com](mailto:aviso@awemainta.com)